



Members of the Board

Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Christopher R. Hoffman
Superintendent

(916) 686-7700
FAX: (916) 686-7787
EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

October 24, 2017

Nyob Zoo NiamTxiv, Tus Saib Xyuas, thiab Cov Pej Xeem,

Ua ntej tshaj no, kuv xav thov muab kuv qhov kev tu siab rau tagnrho cov tsev neeg uas tau raug cov hluav taws kub ob peb lub litiam tag los no. Ua tsaug rau txhua tus uas tau muab kev txhawb nqa rau cov neeg uas raug mob thiab lawv cov tsev neeg. Nws tsis yog ib qhov yooj yim rau sawvdaws kom nyob tiaj ntus thaum muaj tej hluav taws kub li no thiab yuav tau khiav tawm uas yeej tshwm sim ze rau yus lub zos. Ntawm kuv tus kheej, kuv muaj txojkev zoo siab rau cov kev pab los ntawm Sonoma State team uas lawv kuj qhia kuv thiab kuv tus pojniam txog wb tus tub hlob thaum muaj tej xwm txheej no. Txojkev txhim kho rau tej yam li no tseem tshuav deb heev, txawm li ntawd los kuv txaus siab thiab yuav pab cov districts ua tau ntsib txojkev nyuaj siab no.

Nrog txoj kev kawm ntawv uas niaj hnub nimno twb muaj lawm, kuv xav siv lub sijhawm los qhia nej txog tej yam uas muaj nyob thoob plaws lub district. Kuv yuav tsi hais ntxaws ntxaws, kuv yuav hais tej yam loj tseemceeb thiab mam li muab qhov link rau nej mus saib online txog cov kev qhia ntxaws dua. Peb cov haujlwm mam yeej tsi paub xaus li thiab thaum uas peb tseem tabtom nrhiav kev pab rau tej yam uas nyuaj xws li tej teebmeem uas tshwmsim rau sawvdaws, kev sis raug zoo ntawm tub ntxhais thiab kev ncaincees hauv peb cov tsev kawm ntawv, thov ruaj siab tias peb yeej yuav siv zog pab kom muaj qhov zoo nyob rau kev sis raug zoo nrog rau lwm tus, txojkev xav, thiab kev kawm ntawv rau cov tub ntxhais kawm ntawv kom muaj txojkev noj qab hauv huv rau lub cev, muaj kev noj qab hauv huv rau lub hlwb, thiab kom muaj kev noj qab haus huv rau txojkev kawm ntawv.

Nyob rau ntawm ib cov tsev kawm ntawv, Measure M qhov kev txhim kho cov tsev kawm ntawv tamsim no yeej twb ua lawm rau kev kho cov ru tsev, chaw nres tsheb, thiab cov chaw nres tsheb tos menyuam, kom kev ruaj nres thiab kom yuav muaj kev thaj yeeb nyab xeeb, thaiv laj kab thiab kom muaj cov tsev kawm haujlwm. Tsi tas li ntawd xwb, peb kev txhim kho twb yuav tiav rau kev kho cov tshuab cua kub thiab cua txias, cov teeb thiab lub tshav ua kislav nraum zoov. Tamsim no tsim muaj pab kavxwm rau Citizens' Oversight lawm, uas yuav los saibxyuas txog Measure M cov kev siv nyiaj thiab lawv los kuj nyuam qhuav muaj lawv thawj lub rooj sablaj. Ua tsuag ib zaug ntxiv rau koj txoj kev txhawb peb cov tsev kawm ntawv thiab txhawb peb cov menyuam txojkev kawm ntawv. Yog koj xav paub ntxiv txog Measure M qhov kev txhim kho rau yav tom ntej rau peb cov tsev kawm ntawv, thov mus saib rau ntawm [Facilities and Planning](#).

Lub Tsib Hli Ntuj tag los no, tau muab ib daim paib "Safe Zone" dai rau saum txhua lub tsev kawm ntawv kom muaj kev txhawb nqa rau peb cov tub ntxhais kawm ntawv, peb cov tsev neeg, thiab lub zej zos kom paub hais tias peb lub tsev kawm ntawv nyob rau ib thawj chaw uas muaj kev ruaj nres thaj yeeb nyab xeeb thiab yeej tos txais TAGNRHO cov tub ntxhais kawm ntawv thiab cov tibneeg ua haujlwm hauv tsev kawm ntawv. Cov Tsavxwm qhov [Safe and Positive Learning for All Resolution](#) thiab kev tsim cov paib no yog ib qhov kev qhia txog peb qhov kev cia siab tias peb cov tsev kawm ntawv yeej yog, thiab tseem yuav muaj kev thaj yeeb nyab xeeb ntu zus mus rau kev noj qab hauv huv ntawm cev nqaij daim ntawv, txojkev xav, thiab kev txawj ntse rau tagnrho cov menyuam thiab cov neeg laus. Uake no, peb cov tsavxwm nrog rau cov tibneeg ua

haujlwm nyob thoob plaws lub district yuav siv zog mob siab ua kom cov tsev kawm ntawv muaj txojkev sis fwm, muaj kev txais yuav thiab muaj kev nkag siab kom yuav muaj txoj kev vam meej rau cov tsev kawm ntawv hauv lub zej zog no.

Nyob rau hauv peb cov tsev kawm ntawv, kuv xav qhia txog tej yam zoo uas peb cov tub ntxhais thiab cov tibneeg ua haujlwm ua los npaj koj tus menyuam rau kev mus kawm ntawv qib siab (college), mus ua haujlwm, thiab kev npaj rau lub neej. Muaj ib qhov kev ntsuam xyuas, uas yog California Assessment of Student Performance thiab Progress (CAASPP) cov qhab nees no tseem ceeb heev. Peb cov uas kawm qib 11 rau lub Spring xyoo 2017 tas los no, uas tamsim no yog cov kawm qib 12, xeem tau zoo heev rau ntawv Askiv, uas yog ib qhov kev qhia tau hais tias kev siv cov qauv tshiab rau kev kawm ntawv hauv peb lub xeev no yeej mus tau zoo heev. Xyoo no cov kawm qib 11 yuav yog cov xeem thawj hoob rau kev xeem lej CAASPP tom qab li uas twb muab cov qauv tshiab los qhia nyob rau hauv high school lawm. Tibyam li xeem rau ntawv Askiv, peb ntseeg thiab cia siab tias yuav muaj kev xeem tau zoo rau lej thiab. Tomqab muab kev cobqhia rau cov xibfwb txog kev pab kom nyeem tau ntawv raws li nws qib kawm nyob rau qib PreK- 3, kuj pom tau hais tias peb cov tub ntxhais uas kawm qib 3 kuj xeem muaj kev loj hlob ntau rau feem uas xeem rau ntawv Askiv, tshwjxeeb cov uas kawm rau ntawm peb cov tsev kawm ntawv Title I. Kuv thov nqua hu kom koj mus saib peb qhov [CAASPP press release](#) rau cov qhab nees

Nrog rau cov kev kawm hauv hoob seb licas, thiab lwm yam kev ntsuas xyuas txog cov kev kawm tseemcee yuav tau muaj coj los qhia rau cov Tsavxwm thaum lub [November 7, 2017 Board Meeting](#). Nyob rau lub sijhawm sablaj ntawd, peb yuav rov qab los mus saib seb lub district ua li cas txog cov kev pab, kev siv cov qauv tshiab rau kev kawm ntawv hauv xeev, kev koomtes los ntawm cov niamtxiv thiab kev tsim cov tsev kawm ntawv kom zoo. Peb yuav saib seb kawm tau licas lawm txog plaub lub hom phiaj thiab yim lubhom phiaj ntawm lub xeev raws li kev pom ntawm peb qhov Local Control Action Plan. Rau cov uas xav paub txog peb qhov kev tsim kho ntxiv ntawm cov kev kho no, kuv xav txhawb kom koj tuaj koom lub rooj sablaj thaum lub Kaum Ib Hli hnuv tim 7. Li peb yeej ib txwm muaj lawm, yog koj tuaj koom tsis tau los peb yeej daim [meeting agenda and presentations](#) nyob on line hnuv Friday ua ntej lub rooj sablaj thiab peb muaj cov lus kaw rau peb sablaj nrog rau cov Tsavxwm nyob hauv peb qhov [District's YouTube Channel](#) ob peb hnuv tom qab lub rooj sablaj.

Mus rau lub caij ntuj no, peb yuav pib saib kev siv nyiaj txiag kom zoo. Vim California tej kev hloov mus los rau kev siv nyiaj txiag , peb kuj muaj ib cov qauv yuav los pab thaiv kom txhob poob haujlwm, kom cov kev kawm uas nyuam qhuav tsim tshiab muaj li qub, thiab muaj kev sis tw kom tau cov tibneeg uas haujlwm uas zoo tshaj. Peb pom zoo tias peb xav ntxiv ib cov tswvyim tshiab rau cov kev kawm thaum uas peb paub meej tias muaj cov kev pab ntawd.

Tsib qhov qauv coj no nrog rau lub District tej kev txiav txim siab yuav pab tau peb saib seb qhov twg yog qhov yuav tau ua uantej thiaj tseem tshuab nyiaj khiav haujlwm, tsim ntxiv tau rau cov kev kawm uas twb muaj lawm, nrhiav cov tibneeg ua haujlwm uas zoo tshaj thiab cov muaj tswvyim tshaj thiab cov uas muaj txojkev xav dav dav. Kuv txaus siab rau cov kev koom tes thiab kev mob siab pab peb cov tub ntxhais kawm ntawv los ntawv cov Tsavxwm thiab cov thawj coj nyob rau hauv peb lub koomhaum no.

Thaum peb tabtom mus rau cov hli nyob rau lub caij ntuj no nov, peb pom tau tias txawm muaj koobtsheej rau lub caij ntuj no (holiday festivities), nws hos yog ib lub caij nyoog nyuaj siab rau ib cov tsevneeg thiab. Tam sim no kuv tus tub ntxawg mus kawm ntawv qib siab lawm, kuv tus pojniam thiab kuv tsis muaj me tub menyuam nyob hauv wb lub tsev lawm, wb paub txog kev mob taub haus thiab kev zoo siab los ntawm kev xam phaj cov ntaub ntawv mus kawm ntawv qib siab, tsevneeg zoo licas, thiab lwm yam kev nyuaj siab. Peb lub district yeej muaj cov kev pab rau koj

thiab kuv yeej hais rau cov neeg ua hauj lwm hauv tsev kawm ntawv kom lawv pab qhov muag
thiab qhov ntseg saib thiab mloog rau peb cov tub ntshais kawm ntawv, cov tsev neeg, thiab cov
ua hauj lwm uas xav tau kev pab txhawb thaum lub caij nyoog no. Nws yog ib yam tseem ceeb
rau kuv kom peb sawvdaws nco tsoom tias ib leeg pab ib leeg thawm niaj thawm xyoo tshwjkeeb
rau cov hli uas yuav los tom ntej no.

Li kuv hais txhua zaus, kuv zoo siab tias kuv yog ib feem ntawm ib lub zej zos uas muaj kev loj
hlob li no.

Yam Siab Dawb Paug,

A handwritten signature in black ink, appearing to read 'CHRISTOPHER R. HOFFMAN'.

Christopher R. Hoffman
Thawj Tsavxwm EGUSD